



## Republika e Kosovës Republika Kosova - Republic of Kosovo

AGJENCIA KUNDËR KORRUPTIONIT  
AGENCIJA PROTIV KORRUPCIJE  
ANTI – CORRUPTION AGENCY

Në mbështetje të nenit 11 (paragrafi 1.1), nenit 5 (paragrafi 1 pika 1.5), nenit 18 (paragrafi 10 dhe 11) të Ligjit nr. 03/L-159 për Agjencinë kundër Korruptionit si dhe nenit 24 (paragrafi 11) të Rregullores nr. 02/2013 së Punës të Agjencisë kundër Korruptionit, Drejtori i Agjencisë kundër Korruptionit me datë 30.12.2013, mori:

### V E N D I M

**I.** Mbyllt rasti me nr. AKK-03-3549/13, për z. **Habib Elshani** – Drejtor i Drejtorisë Koordinuese në Prishtinë - Agjencisë Pyjore të Kosovës, për shkak se zyrtari i lartë publik ka shmangur gjendjen e mundshme të konfliktit të interesit në të cilën ndodhej.

**II.** Rasti mund të rihapet në çdo kohë kur mund të paraqiten rrethana të reja.

### A r s y e t i m

I. Rasti i hapur nën dyshimin e bazuar për Konflikt Interesi në Ushtrimin e Funksionit Publik për zyrtarin e lartë, z. Habib Elshani – Drejtor i Drejtorisë Koordinuese në Prishtinë - Agjencisë Pyjore të Kosovës, dhe njëkohësisht person i autorizuar në një biznes privat, është trajtuar sipas procedurës së paraparë në Ligjin Nr. 04/L-051 për Parandalimin e Konfliktit të Interesit në Ushtrimin e Funksionit Publik.

Në rastin e lartëpërmendur, zyrtari i lartë z. Elshani është hetuar për situatë të konfliktit të interesit në ushtrimin e funksionit publik dhe është njoftuar me një shkresë zyrtare nga Agjencia kundër Korruptionit ( me datë 12.11.2013), pas së cilës zyrtari është paraqitur në takim me zyrtarët e Agjencisë. Me këtë rast ai është njoftuar me situatën në të cilën ndodhet si dhe me ndryshimet të cilat duhet ti bëj për të parandaluar situatën e mundshme të konfliktit të interesit.

Duke parë se procesi i ndryshimeve të nevojshme po zgjatë, Agjencia Kundër Korruptionit, i ka bërë shkresën e dytë, sipas procedurës ligjore, që njihet me emrin "njoftimi paralajmëruesh" Z.D/DRK 01-4338/13 me të cilën zyrtarit të lartë i është bërë e qartë se duhet të shmanget situata

e konfliktit të interesit brenda afatit të caktuar, përndryshe do të pasojnë edhe masat tjera sankzionuese të parapara me ligj.

Ndërkohe, pas kësaj shkresë z. Elshani ka dërguar në Agjenci informacionin zyrtar të lëshuar nga Agjensioni për Regjistrimin e Bizneseve në Kosovë( DPKI.03- 4482/13) në të cilën vërtetohet se i njëjti ka hequr dorë nga pozita e personit të autorizuar që kishte në Auto - Shkolla“Speed” për të ushtruar funksionin e tij publik si Drejtor i Drejtorisë Koordinuese në Agjencinë Pyjore të Kosovës.

Me këtë ai ka shmangur gjendjen e mundshme të konfliktit të interesit në ushtrimin e funksionit publik.

**II. Në mbështetje të nenit 18 (paragrafi 11) të Ligjit nr. 03/L-159 për Agjencinë kundër Korruptionit, Agjencia mund të rihap rastin në çdo kohë nëse paraqiten rrethana të reja, andaj u vendos si në dispozitiv të këtij vendimi.**

Vendimi iu dërgohet:

- Zyrtarit të lartë publik
- Drejtorit të DPK- së
- Z./zpj. (zyrtari përgjegjës)

Hasan Preteni  
Drejtor i Agjencisë kundër Korruptionit

